

TEI HEA TE FAUFAA FENUA A TE NUNAA MAOHI

TAU FENUA, TAU METUA

E reo iti navenave i taù tarià
E reo iti âruehia e taù àau
E metua òe e taù fenua iti e
E metua òe e taù māmā iti e

Oe tei amo i te teimaha o taù ora
Oe tei tatara i te fifi o taù ora
No òe nei e òre ai au e ahoaho
No òe nei e òre ai au e òvere

I noho tōlvi noa na vau i te pū o te fenua
I noho tōlvi noa na vau i te pū o te metua
Ua taaminomino, ua taaviriviri i roto i te pū
I roto i te àere vai, i roto i te àere ora

O vau te tupu tōlvi ra, no roto mai au i te pū
Inaha te pito ua tātati ia ù i te pū
Te pū o te fenua, te pū o taù metua
No roto mai au i te pū, e hoì ā vau i te pū

Inaha te àere raì, te àere ata e te àere taata
Te àere fenua, te àere vai e te àere rāau
E hoì te pū i roto i te pū, te pito i roto i te pito
Te tupu tōlvi nei au i roto i te àere ao

Te pito i mutu ra, ua ora i taù fenua
Nā taù metua i tō ia ù, nā taù fenua e tō ia ù
I amo i taù metua i te teimaha o taù ora
E amo taù fenua i te teimaha o taù ora

E tiāvaru ānei au i taù metua faatupu ora
E tiāvaru ānei au i taù fenua faatupu ora
No roto mai hoì au i te pū o taù metua
Tei roto hoì au i te pū o taù fenua

Taù fenua e taù metua, ia ora na
Aore te here i mutu, te here o te pito
Te pito e tātati ia tātou
E ârue ā vau ia òe e taù fenua e taù metua iti e.

Turo a Raapoto.

TE MAU OPUARAA

Te mau ôpuarāa no te mau veà i muri ia tatou.

E mea pinepine te parau e "ua riro te ohipa fenua ei tupita". I na tau i mua aè nei ia tatou, i ravehia ai te mau ohipa tano ore, mai te hoopate, te faaèreraa fatu fenua, te tavierāa i te taata, e te vai atu ra a te mau faanahorāa ino. Te huru ihoa te reira o te tupita. No te mea e tupita, tapo ia i te mata? Te ite-papu-hia ra teie nei mau āti i roto i te mau ūtuafare. E te parau nei vetahi e, te tiripuna, aita atu ai ia e raveà, no te arai i te fifi. I to na pae, aita atoà te pupu poritita e ani ra i to tatou reo ia tae i te tai-me maitirāa, e vauvau mai i te mau raveà e au ia ravehia no te paruru i te fenua fetii. Tei roto noa ihoa ia tatou i te raveà. Tei roto noa ihoa i te ferurirāa o te maohi te raveà. Te taata aita to na e fenua, e riro ia o ia ei hotu painu. I teie nei, e tamata tatou i te tuatapapa i te mau tumu parau no te veà

i muri. Haamanao tatou na mua i te feia e hinaaro ra e maimi i te mau parau fatu fenua. E peu mataro-maitai-hia-ihoa e tatou. Te noho ra i niā i te tuhaa fenua, aita ra e parau fatu fenua i roto i te rima, aita ra i ite aè i te ioà o te tuhaa fenua. Aita atoà tatou i ite e mea na hea te roarāa mai teie mau fenua i to tatou mau tupuna. No reira, e mea tano ia ho-roāhia te tahi mau haamaramaramāa no niā i te piha rave ohipa a te hau fenua, i reira e iritihia ai te parau fatu fenua e te "tomite". Eiaha ia moe ia tatou te mau faanahorāa i ravehia i te tau a riro ai o Maohinui ei fenua faaterehia e te hau farani. Na reira hoì te tatararāa e te faahuāhuāraa i te ture e aratai nei ia tatou. Ia ite mai outou e, e rave rahi mau tumu parau e tiā e tuatapapa. E mea oāoā ia. Tirara parau.

Tetiarahi G.



Te hoē tuhaa oire no Patutoa.

